



KNATTSPYRNUSAMBAND ÍSLANDS

Aðildarfélög KSÍ
Formenn/framkvæmdastjórar

Reykjavík, 21. janúar 2011

Breyting á reglugerð KSÍ um mótamál

Ágætu félagar

Stjórn KSÍ samþykkti á fundi sínum þann 20. janúar breytingu á reglugerð KSÍ um mótamál. Við bætast ný ákvæði við greinar 28 (5. flokkur karla), 29 (6. flokkur karla), 36 (5. flokkur kvenna) og 37 (6. flokkur kvenna).

Nýjar greinar og breytingar eru ská- og feitletraðar:

28. grein 5. flokkur karla

28.1. Íslandsmót

28.1.1. Leikreglur skulu fylgja knattspyrnulögunum og reglugerð KSÍ um knattspyrnumót nema annað sé tekið fram í reglugerð KSÍ um knattspyrnu í 7 manna liðum.

28.1.2. Keppnin skal vera svæðakeppni og skal landinu skipt í 4 svæði: Suður- og Vesturland (A, B og C riðill), Vestfirðir (D riðill), Norðurland (E riðill) og Austurland (F riðill). Keppnin er stigakeppni.

28.1.3. Keppni fer fram í A, B, C og D liðum.

28.1.4. Mótanefnd er heimilt að veita undanþágu til þess að félög sem skrá aðeins eitt lið til keppni geti skráð það sem B-lið ef fyrir liggur rökstuðningur sem m.a. taki mið af þátttöku og árangri í undangengnum mótum, fjölda iðkenda o.s.frv. og skal sá rökstuðningur fylgja þátttökutilkynningu.

28.1.5. Skrái félag aðeins B-lið til keppni skv. undanþáguákvæði í grein 28.1.5. getur það lið ekki tekið þátt í úrslitakeppni viðkomandi flokks.

~~28.1.4.~~ **28.1.6.** Leitast skal við að B, C og D lið leiki í sama riðli og A lið.

~~28.1.5.~~ **28.1.7.** Þau tvö félög sem verða neðst í A riðli falla næsta keppnisár niður í B riðil en tvö efstu félögin í B riðli taka sæti þeirra í A riðli. Þau tvö félög sem verða neðst í B riðli falla næsta keppnisár niður í C riðil en tvö efstu félögin í C riðli taka sæti þeirra í B riðli.

~~28.1.6.~~ **28.1.8.** Mótanefnd skal leitast við að hafa ekki færri leiki en átta á hvert lið.

~~28.1.7.~~ **28.1.9.** Mótanefnd er heimilt að láta keppni á einstökum svæðum fara fram í hraðmótum, ef viðkomandi aðilar æskja þess og er þá heimilt að stytta leiktímann

~~28.1.8.~~ **28.1.10.** Eftir svæðakeppni skal fara fram úrslitakeppni A-liða um

Íslandsmeistaratitilinn. Úrslitakeppni B liða skal fara fram á sama hátt, en úrslitakeppni C og D liða fer fram samkvæmt ákvörðun mótanefndar.

Í keppni A og B liða skal skipa félögum í þrjá riðla með fjórum liðum sem hér segir:

Riðill 1: A1, A4, B3 og D1.

Riðill 2: A2, B2, E1 og F1.

Riðill 3: A3, B1, E2 og C1.

Ef keppni fer ekki fram í D riðli skal lið F2 koma í stað D1

Leika skal sem hér segir:

Umferð 1: A1-D1, B3-A4, A2-F1, B2-E1, A3-C1, E2-B1

Umferð 2: D1-A4, A1-B3, F1-E1, A2-B2, C1-B1, A3-E2

Umferð 3. B3-D1, A4-A1, B2-F1, E1-A2, E2-C1, B1-A3

~~28.1.9.~~ **28.1.11.** Sigurvegarar í úrslitariðlunum ásamt því liði sem er með bestan árangur í 2. sæti leika til úrslita viku síðar, þannig að þau mætast fyrst í undanúrslitum og sigurvegararnir síðan í úrslitaleik. Í undanúrslitum skal dregið um hvaða lið mætast, þó þannig að lið úr sama úrslitariðli mætist ekki. KSÍ skal greiða allan ferðakostnað við þessa leiki í keppni A og B liða. Skal hann miðast við 13 manns í hverju liði.

~~28.1.10.~~ **28.1.12.** Leikmaður getur aðeins verið hlutgengur með einu liði (A, B, C eða D) sama leikdaginn. Þegar félag er með tvö A og B lið í móti gildir: Leikmanni, sem leikið hefur með liði 1 (A eða B lið), er ekki heimilt að leika með liði 2 fyrir en eftir næsta leik hjá liði 2 þar á eftir. Leikmaður getur aðeins leikið fyrir eitt lið félags (A, B, C eða D lið) í úrslitakeppni og skal almennt miða við að leikjahæstu leikmenn hvers liðs fyrir sig í riðlakeppni leiki einnig fyrir viðkomandi lið félagsins í úrslitakeppni. Eftirfarandi takmörkunum skal fylgt: Sjö leikjahæstu leikmenn A liðs (að því jöfnu þeir sem eru oftast í byrjunarliði) eru ekki hlutgengir með B liði í úrslitakeppni. Átta leikjahæstu leikmenn A liðs og 7 leikjahæstu leikmenn B liðs eru ekki hlutgengir með C liði í úrslitakeppni. Átta leikjahæstu leikmenn A og B liðs og 7 leikjahæstu leikmenn C liðs eru ekki hlutgengir með D liði í úrslitakeppni.

~~28.1.11.~~ **28.1.13.** Ef félag skilar ekki inn útfylltri leikskýrslu fyrir svæðakeppnina fyrir öll lið viðkomandi félags (A, B, C og D lið) áður en úrslitakeppni hefst getur það ekki fengið þátttökurétt í úrslitakeppni 5. flokks, og tekur næsta lið í svæðakeppni sæti þess.

~~28.1.12.~~ **28.1.14.** Svæðakeppnin skal hefjast í maílok og ljúka í vikulok í síðari hluta ágúst en úrslitakeppnin um Íslandsmeistaratilinn skal hefjast viku síðar.

29. grein

6. flokkur karla

29.1. Pollamót KSÍ

29.1.1. Leikreglur skulu fylgja knattspyrnulögunum og reglugerð KSÍ um knattspyrnumót nema annað sé tekið fram í reglugerð KSÍ um knattspyrnu í 7 manna liðum.

29.1.2. Hverju félagi, sem þátttöku tilkynnir, skal heimilt að senda fjögur lið til keppni, eitt í keppni A liða, eitt í keppni B liða, eitt í keppni C liða og eitt í keppni D liða.

29.1.3. Mótanefnd er heimilt að veita undanþágu til þess að félög sem skrá aðeins eitt lið til keppni geti skráð það sem B-lið ef fyrir liggur rökstuðningur sem m.a. taki mið af þátttöku og árangri í undangengnum mótum, fjölda iðkenda o.s.frv. og skal sá rökstuðningur fylgja þátttökutilkynningu.

29.1.4. Skrái félag aðeins B-lið til keppni skv. undanþáguákvæði í grein 28.1.5. getur það lið ekki tekið þátt í úrslitakeppni viðkomandi flokks

~~29.1.3.~~ **29.1.5.** Leikmaður er einungis hlutgengur með einu liði (A, B, C eða D) í hverju móti.

~~29.1.4.~~ **29.1.6.** Keppt skal í riðlum eftir fjölda þeirra félaga sem þátttöku tilkynna. Félög, sem vilja taka til sín og hafa umsjón með riðli skulu tilkynna mótanefnd það fyrir 15. mars.

~~29.1.5.~~ **29.1.7.** Umsóknirnar eru ekki bindandi fyrir mótanefnd, en þær skulu hafa forgang ef kostur er. Mótanefnd KSÍ skal annast niðurröðun í riðla með tilliti til umsóknanna og skal hún taka mið af eftirfarandi:

a. Að eigi séu færri en fjögur lið í riðli.

b. Að hafa þau lið saman í riðli sem eru á sama landssvæði eftir því sem frekast er unnt.

~~29.1.6.~~ **29.1.8.** Mótinu er skipt í tvo hluta, undankeppni og svæðisbundna úrslitakeppni.

Keppnin er stigakeppni.

~~29.1.7.~~ **29.1.9.** Undankeppnin skal leikin fyrir 15. júlí en úrslitakeppnin skal leikin um miðjan ágúst þar sem rétt til þátttöku eiga þau félög sem höfnuðu í fyrsta sæti í sínum riðli ásamt því félagi sem hefur umsjón með úrslitakeppninni. Þá getur mótanefnd boðið liði úr 2. sæti í sínum riðli sæti í úrslitakeppninni þegar við á.

~~29.1.8.~~ **29.1.10.** Í úrslitum skal leikið til úrslita í A, B, C og D liðum. Miða skal við að á Suður- og Vesturlandi taki 8 lið þátt í úrslitum í tveimur riðlum þar sem leikið er til úrslita að lokinni riðlakeppni. Á Norður- og Austurlandi skal miðað við að leikið sé í einum 4 liða riðli. Mótanefnd setur frekari ákvæði um úrslitakeppni ef þörf krefur.

~~29.1.9.~~ **29.1.11.** Það félag sem sigrar í úrslitakeppni telst Pollameistari KSÍ á viðkomandi svæði.

36. grein

5. flokkur kvenna

36.1. Íslandsmót

36.1.1. Leikreglur skulu fylgja knattspyrnulögunum og reglugerð KSÍ um knattspyrnumót nema annað sé tekið fram í reglugerð KSÍ um knattspyrnu í 7 manna liðum

36.1.2. Keppnin skal vera svæðakeppni og skal landinu skipt í 4 svæði: Suður- og Vesturland (A, og B riðill), Vestfirðir (D riðill), Norðurland (E riðill) og Austurland (F riðill). Keppnin er stigakeppni.

36.1.3. Keppni fer fram í A, B, C og D liðum.

36.1.4. Mótanefnd er heimilt að veita undanþágu til þess að félög sem skrá aðeins eitt lið til keppni geti skráð það sem B-lið ef fyrir liggur rökstuðningur sem m.a. taki mið af þátttöku og árangri í undangengnum mótum, fjölda iðkenda o.s.frv. og skal sá rökstuðningur fylgja þáttökutilkynningu.

36.1.5. Skrái félag aðeins B-lið til keppni skv. undanþáguákvæði í grein 28.1.5. getur það lið ekki tekið þátt í úrslitakeppni viðkomandi flokks.

~~36.2.4.~~ **36.1.6.** Leitast skal við að B, C og D lið leiki í sama riðli og A lið.

~~36.2.5.~~ **36.1.7.** Þau tvö félög sem verða neðst í A riðli falla næsta keppnisár niður í B riðil en tvö efstu félögin í B riðli taka sæti þeirra í A riðli.

~~36.2.6.~~ **36.1.8.** Mótanefnd skal leitast við að hafa ekki færri leiki en átta á hvert lið.

~~36.2.7.~~ **36.1.9.** Mótanefnd er heimilt að láta keppni á einstökum svæðum fara fram í hraðmótum, ef viðkomandi aðilar æskja þess og er þá heimilt að stytta leiktímann

~~36.2.8.~~ **36.1.10.** Eftir svæðakeppni skal fara fram úrslitakeppni A-liða um

Íslandsmeistaratitilinn og skal hún leikin í tveimur 4 liða riðlum. Um nánari tilhögun fer fram samkvæmt ákvörðun mótanefndar. Úrslitakeppni B liða skal fara fram á sama hátt, en úrslitakeppni C og D liða fer fram samkvæmt ákvörðun mótanefndar.

~~36.2.9.~~ **36.1.11.** Leikmaður getur aðeins verið hlutgengur með einu liði (A, B, C eða D) sama leikdaginn. Þegar félag er með tvö A og B lið í móti gildir: Leikmanni, sem leikið hefur með liði 1 (A eða B lið), er ekki heimilt að leika með liði 2 fyrir en eftir næsta leik hjá liði 2 þar á eftir. Leikmaður getur aðeins leikið fyrir eitt lið félags (A, B, C eða D lið) í úrslitakeppni og skal almennt miða við að leikjahæstu leikmenn hvers liðs fyrir sig í riðlakeppni leiki einnig fyrir viðkomandi lið félagsins í úrslitakeppni. Eftirfarandi takmörkunum skal fylgt: Sjö leikjahæstu leikmenn A liðs (að því jöfnu þeir sem eru oftast í byrjunarliði) eru ekki hlutgengir með B liði í úrslitakeppni. Átta leikjahæstu leikmenn A liðs og 7 leikjahæstu leikmenn B liðs eru ekki hlutgengir með C liði í úrslitakeppni. Átta leikjahæstu leikmenn A og B liðs og 7 leikjahæstu leikmenn C liðs eru ekki hlutgengir með D liði í úrslitakeppni.

~~36.2.10.~~ **36.1.12.** Ef félag skilar ekki inn útfylltri leikskýrslu fyrir svæðakeppnina fyrir öll lið viðkomandi félags (A, B, C og D lið) áður en úrslitakeppni hefst getur það ekki fengið þátttökurétt í úrslitakeppni 5. flokks, og tekur næsta lið í svæðakeppni sæti þess.

~~36.2.11.~~ **36.1.13.** Keppnin skal hefjast í maflök og ljúka í ágústlok.

37. grein
6. flokkur kvenna

37.1. Hnátumót

37.1.1. Leikreglur skulu fylgja knattspyrnulögum og reglugerð KSÍ um knattspyrnumót nemaannað sé tekið fram í reglugerð KSÍ um knattspyrnu í 7 manna liðum.

37.1.2. Hverju félagi, sem þátttöku tilkynnir, skal heimilt að senda þrjú lið til keppni, eitt í keppni A liða, eitt í keppni B liða og eitt í keppni C liða.

37.1.3. Mótanefnd er heimilt að veita undanþágu til þess að félög sem skrá aðeins eitt lið til keppni geti skráð það sem B-lið ef fyrir liggur rökstuðningur sem m.a. taki mið af þátttöku og árangri í undangengnum mótum, fjölda iðkenda o.s.frv. og skal sá rökstuðningur fylgja þáttökutilkynningu.

37.1.4. Skrái félag aðeins B-lið til keppni skv. undanþáguákvæði í grein 28.1.5. getur það lið ekki tekið þátt í úrslitakeppni viðkomandi flokks.

~~37.1.3.~~ **37.1.5.** Leikmaður er einungis hlutgengur með einu liði (A, B og C) í hverju móti.

~~37.1.4.~~ **37.1.6.** Keppt skal í riðlum eftir fjölda þeirra félaga sem þátttöku tilkynna. Félög, sem vilja taka til sín og hafa umsjón með riðli skulu tilkynna mótanefnd það fyrir 15. mars.

~~37.1.5.~~ **37.1.7.** Umsóknirnar eru ekki bindandi fyrir mótanefnd, en þær skulu hafa forgang ef kostur er. Mótanefnd KSÍ skal annast niðurröðun í riðla með tilliti til umsóknanna og skal hún taka mið af eftirfarandi:

a. Að eigi séu færri en fjögur lið í riðli.

b. Að hafa þau lið saman í riðli sem eru á sama landssvæði eftir því sem frekast er unnt.

~~37.1.6.~~ **37.1.8.** Mótinu er skipt í tvo hluta, undankeppni og svæðisbundna úrslitakeppni.

Keppnin er stigakeppni.

~~37.1.7.~~ **37.1.9.** Undankeppnin skal leikin fyrir 15. júlí en úrslitakeppnin skal leikin um miðjan ágúst þar sem rétt til þátttöku eiga þau félög sem höfnuðu í fyrsta sæti í sínum riðli ásamt því félagi sem hefur umsjón með úrslitakeppninni. Þá getur mótanefnd boðið liði úr 2. sæti í sínum riðli sæti í úrslitakeppninni þegar við á.

~~37.1.8.~~ **37.1.10.** Í úrslitum skal leikið til úrslita í A, B og C liðum. Miða skal við að á Suður- og Vesturlandi taki 8 lið þátt í úrslitum í tveimur riðlum þar sem leikið er til úrslita að lokinni riðlakeppni. Á Norður- og Austurlandi skal miðað við að leikið sé í einum 4 liða riðli.

Mótanefnd setur frekari ákvæði um úrslitakeppni ef þörf krefur.

~~37.1.9.~~ **37.1.11.** Það félag sem sigrar í úrslitakeppni telst Hnátumeistari KSÍ á viðkomandi svæði.

Greinargerð: Með þessum breytingum er nú heimilt að leita eftir undanþágu til þess að skrá b-lið til keppni í þessum flokkum án þess að skrá a-lið. Nokkur fjöldi félaga er halda úti öflugri yngri flokka starfsemi hafa átt í erfiðleikum með að skrá lið til keppni í ofangreindum flokkum þar sem flokkarnir eru oft fámennir og starfsemi í þessum flokkum nýbyrjuð. Breytingunum er ætlað að gera þessum liðum kleift að taka þátt í Íslandsmóti á jafnréttisgrundvelli og ýta undir frekari þátttöku þeirra í mótum. Mótanefnd mun meta umsóknir um undanþágu á grundvelli þátttöku og árangri liða á undangengnum mótum, fjölda iðkenda o.fl. og þarf að skila rökstuðningi með þáttökutilkynningu.

Breytingarnar taka gildi nú þegar.

Ef frekari upplýsinga er óskað þá vinsamlegast hafið samband við undirritaðan.

Bestu kveðjur

Þórir Hákonarson
framkvæmdastjóri KSÍ